

四庫全書

子部

欽定四庫全書

子部

御纂醫宗金鑑卷八十四

詳校官太醫院恩糧臣孔毓秀

編修臣倉聖脈覆勘

總校官中書臣朱 鈐

校對官主事臣張 培

謄錄監生臣張永浙

繪圖監生臣戴禹汲

欽定四庫全書

御纂醫宗金鑑卷八十四

編輯刺灸心法要訣目錄

奇經八脈總歌

任脈循行圖

任脈循行經文

任脈循行歌

任脈穴圖

任脈穴歌

任脈分寸歌

督脈循行圖

督脈循行經文

督脈循行歌

督脈穴圖

督脈穴歌

督脈分寸歌

附督脈解

衝脈循行圖

衝脈循行經文

衝脈循行歌

衝脈穴圖

衝脈穴歌

衝脈分寸歌

附任督衝三脈合解

帶脈循行圖

帶脈循行經文

帶脈循行歌

帶脈穴圖

帶脈穴歌

帶脈分寸歌

陽蹻脈循行圖

陽蹻陰蹻脈循行經文

陽蹻脈循行歌

陽蹻脈穴圖

陽蹻脈穴歌

陽蹻脈分寸歌

陰蹻脈循行圖

陰蹻脈循行歌

陰蹻脈穴圖

陰蹻脈穴歌

陰蹻脈分寸歌

陽維脈循行圖

陽維陰維脈循行經文

陽維脈循行歌

陽維脈穴圖

陽維脈穴歌

陽維脈分寸歌

陰維脈循行圖

陰維脈循行歌

陰維脈穴圖

陰維穴歌

陰維脉分寸歌

御纂醫宗金鑑卷八十四目錄

欽定四庫全書

御纂醫宗金鑑卷八十四

編輯刺灸心法要訣


奇經八脈總歌

正經經外是奇經八脈分司各有名任脈任前督於後
衝起會陰腎同行陽蹻跟外膀胱別陰起跟前隨少陰
陽維維絡諸陽脈陰維維絡在諸陰帶脈圍腰如束帶
不由常度號奇經

註
脉有奇常十二經者常脉也奇經則不拘於常故
謂之奇也蓋人之氣血常行於十二經脉經脉滿
溢流入他經別道而行故名奇經奇經有八曰任
督衝帶陽蹻陰蹻陽維陰維是也任脉任於前督
脉督於後衝脉為諸脉之海帶脉猶身之束帶陽
蹻為足太陽之別陰蹻為足少陰之別陽維則維
絡諸陽陰維則維絡諸陰陰陽相維諸經乃調故
此八脉譬猶圖設溝渠以備水潦斯無濫溢之患

人有奇經亦若是也

任脈循行圖



任脈循行經文

素問骨空論曰任脈者起於中極之下以上毛際循腹裏上關元至咽喉上頤循面入目

靈樞五音五味篇曰衝脈任脈皆起於胞中上循背裏為經絡之海其浮而外者循腹上行會於咽喉別而絡口唇

任脈循行歌

任脈起於中極下會陰腹裏上關元循內上行會衝脈


浮外循腹至咽喉別絡口唇承漿已過足陽明上頤間
循面入目至睛明交督陰脈海名傳

註

任脈者起於中極之下中極者穴名也在少腹聚
毛處之上毛際也中極之下謂曲骨之下會陰穴
也以上毛際循腹裏上關元者謂從會陰循內上
行會於衝脈為經絡之海也其浮而外者循腹上
行至於咽喉別絡口唇至承漿而終上頤循面入
目至睛明者謂不直交督脈由足陽明承泣穴上

頤循面入目內眥之足太陽精明穴始交於督脈
總為陰脈之海也

任 脉 穴 圖



任脈穴歌

任脈中行二十四會陰潛伏兩陰間曲骨之前中極在
關元石門氣海邊陰交神闕水分處下脘建里中脘前
上脘巨闕連鳩尾中庭臈中玉堂聯紫宮華蓋循璇璣
天突廉泉承漿端

任脈分寸歌

任脈會陰兩陰間曲骨毛際陷中安中極臍下四寸取
關元臍下三寸連臍下二寸名石門臍下寸半氣海全

臍下一寸陰交穴臍之中央即神闕臍上一寸為水分
臍上二寸下脘列臍上三寸名建里臍上四寸中脘許
臍上五寸上脘在巨闕臍上六寸五鳩尾蔽骨下五分
中庭臍下六寸取臍中却在兩乳間臍上寸六玉堂主
臍上紫宮三寸二臍上華蓋四八舉四分臍上璇璣五
寸八璣上一寸天突起天突喉下約四寸廉泉頷下骨
尖已承漿頤前脣稜下任脈中央行腹裏


註
會陰穴在前陰後陰之中間任督衝三脈所起督

由會陰而行背任由會陰而行腹衝由會陰而行
足也○從會陰上行橫骨上毛際陷中動脈應手
臍下五寸曲骨穴也○從曲骨上行在臍下四寸
中極穴也○從中極上行在臍下三寸即關元穴
也○從關元上行在臍下二寸石門穴也○從石
門上行在臍下一寸五分宛宛中氣海穴也○從
氣海上行在臍下一寸陰交穴也○從陰交上行
當臍之中神闕穴也○從神闕上行臍上一寸水

分穴也○從水分上行臍上二寸下腕穴也○從
下腕上行臍上三寸建里穴也○從建里上行在
臍上四寸中腕穴也○從中腕上行在臍上五寸
上腕穴也○從上腕上行在兩岐骨下二寸巨闕
穴也○從巨闕上行一寸鳩尾穴也○從鳩尾上
行一寸陷中中庭穴也○從中庭上行一寸六分
臙中穴也○從臙中上行一寸六分陷中玉堂穴
也○從玉堂上行一寸六分陷中紫宮穴也○從

紫宮上行一寸六分陷中華蓋穴也 從華蓋上行一寸陷中璇璣穴也 從璇璣上行一寸天突穴也 從天突上行在頷下結喉上中央舌本下仰而取之廉泉穴也 從廉泉上行在頤前下脣稜下陷中承漿穴也

督脈循行圖



督脈循行經文

素問骨空論曰督脈者起於少腹以下骨中央女子入
繫廷孔其孔溺孔之端也其絡循陰器合篡間繞篡後
別繞臀至少陰與巨陽中絡者合少陰上股內後廉貫
脊屬腎與太陽起於目內眥上額交顛上入絡腦還出
別下項循肩髃內俠脊抵腰中入循膂絡腎其男子循
莖下至篡與女子等其少腹直上者貫臍中央上貫心
入喉上頤環唇上繫兩目之下中央

督脉循行歌


督脉少腹骨中央女子入繫溺孔疆男子之絡循陰器
繞篡之後別臀方至少陰者循腹裏會任直上關元行
屬腎會衝街腹氣入喉上頤環脣當上繫兩目中央下
始合內眥絡太陽上額交顛入絡腦還出下項肩髃場
俠脊抵腰入循脊絡腎莖篡等同鄉此是申明督脉路
總為陽脉之督綱

註
督脉者起於少腹下骨中央謂男女少腹以下橫

骨內之中央即女子入繫廷孔之端男子陰器合
纂間也男子陰莖盡處精室孔溺孔合並一路合
纂處也即女子胞孔溺孔合並之處廷孔之端即
下文曰與女子等也其絡循陰器合纂間繞纂後
行是謂本絡外合太陽中絡也別絡繞臀是謂別
絡內並少陰腹裡也故經曰至少陰與巨陽中絡
者合也至少陰者循行上股內後廉循腹裏與任
脈上會於關元貫脊屬腎俠腎上行與衝脈會於

腹氣之街故經曰自少腹直上貫臍中央上貫心
入喉上頤環脣內行至督脈鬲交而終外行繫兩
目之下中央循行目內皆會於太陽故經曰與太
陽起於目內眥上額交顛上入絡腦還出別下項
循肩髃內俠脊抵腰中入循脊絡腎復會於少陰
此督脈之循行也

督脈穴圖



督脉穴歌

督脉行脉之中行二十八穴始長强腰俞陽關入命門
懸樞脊中中樞長筋縮至陽歸靈臺神道身柱陶道開
大椎瘕門連風府腦戶强間後項排百會前項通顙會
上星神庭素髻對水溝兑端在脣上齟交上齒縫之內
督脉分寸歌

尾間骨端是長强二十一椎腰俞當十六陽關十四命
三一懸樞脊中央十椎中樞筋縮九七椎之下乃至陽

六靈五身三身柱陶道一椎之下鄉一椎之上大椎穴
上至髮際瘕門行風府一寸宛中取腦戶二五枕之方
再上四寸強間位五寸五分後頂強七寸百會頂中取
耳尖前後髮中央前項前行八寸半前行一尺顙會量
一尺一寸上星位前髮尺二神庭當鼻端準頭素髖穴
水溝鼻下人中藏兌端脣上端上取齧交脣內齒縫鄉
註督脈之別起於長強者即繞篡後外合太陽循行
尾閭間長強穴也俠脊上項散頭上下當肩左右

別走太陽入貫脊謂督脈循外而上行也故難經
曰起於下極之俞即長強尾閭間也並於脊裏即
俠脊也上至風府入屬於腦即上項散頭也從長
強貫脊上行二十一椎下腰俞穴也十六椎下陽
關穴也十四椎下命門穴也十三椎下懸樞穴也
十一椎下脊中穴也十椎下中樞穴也九椎下筋
縮穴也七椎下至陽穴也六椎下靈台穴也五椎
下神道穴也三椎下身柱穴也一椎下陶道穴也

一椎之上大椎穴也上至上髮際瘰癧門穴也從瘰
門入髮際風府穴也從風府上行一寸五分枕骨
上腦戶穴也從腦戶上行一寸五分強間穴也從
強間上行一寸五分後項穴也從後項上行一寸
五分直兩耳尖項陷中百會穴也從百會前行一
寸五分前項穴也從前項前行一寸五分顙會穴
也從顙會又前行一寸上星穴也從上星至前髮
際神庭穴也前後髮際合骨度共一尺二寸也從


前髮際下至鼻端準頭素窅穴也鼻柱下溝中央
近鼻孔陷中水溝穴也脣上端兌端穴也脣內齒
上齟縫中齟交穴也凡二十八穴循行背之中行
者也

按

督脈始於長强者本自靈樞經脈篇曰督脈之別
名長強俠脊上項散頭上下當肩胛左右別走太
陽入貫脊難經二十八難曰督脈者起於下極之
俞並於脊裡之上至風府入屬於腦乃指穴而言

也前論督脈起於少腹者是指循行而言也

衝脈循行圖



衝脈循行經文

素問骨空論曰衝脈者起於氣街並於少陰之經俠臍上行至胸中而散

靈樞衛氣篇曰請言氣街胸氣有街頭氣有街脛氣有街故氣在頭者止之於腦氣在胸者止之膺與背俞氣在腹者止之背俞與衝脈在臍之左右之動脈者氣在脛者止之於氣街與承山踝上

衝脈循行歌

衝脈起於腹氣街後天宗氣氣衝來並於先天之真氣相並俠臍上胸街大氣至胸中而散會合督任充身懷分布藏府諸經絡名之曰海不為乖


註

衝脈者起於氣街是起於腹氣之街也名曰氣街者是謂氣所行之街也一身之大氣積於胸中者有先天之真氣是所受者即人之腎間動氣也有後天之宗氣是水穀所化者即人之胃氣也此所謂起於腹氣之街者是起胃中穀氣也並於少陰

者是並於腎間動氣也其真氣與穀氣相並俠臍上行至胸中而散是謂大氣至胸中分布五藏六府諸經而充身者也靈樞順逆肥瘦篇曰衝脈者五藏六府之海也五藏六府皆稟氣焉靈樞動俞篇又曰衝脈者十二經之海與少陰之大絡起於腎下出於氣街也靈樞五音五味篇又曰衝脈任脈皆起於胞中者即此之起於腎下之謂也而謂起於腎下者即並於少陰之經腎間動氣上行也

素問骨空論曰衝脈起於氣衝者即此出於氣街
之謂也不曰起而曰出者謂穀氣由陽明胃經出
而會於氣街也

衝脈穴圖



衝脈穴歌

衝脈俠臍起橫骨大氣四注盲俞同商石陰通幽門穴
至胸散布任流行

衝脈分寸歌

衝脈分寸同少陰起於橫骨至幽門上行每穴皆一寸
穴開中行各五分

註

衝脈起於足陽明並於足少陰腹氣之街俠臍中
行左右五分而上行自少腹下尖陰上橫骨穴從

橫骨穴上行大赫氣穴四海中注音俞商曲石關
陰都通谷幽門等共十一穴每穴上行相去各一
寸中行左右各五分

按

任督衝三脈素問骨空論曰任脈起於中極之下
毛際以上是外指少腹之分也循腹裏是內指胞
中也督脈起於少腹以下骨中央女子廷孔男子
陰器合纂貫脊屬腎亦是外指少腹內指胞中也
衝脈起於氣街並少陰之經亦是指於胞中也雖


未明言胞中而實未嘗不起於胞中也是以知任督衝三脈皆起於胞中然三脈皆後天水穀所化胃氣出於氣街會於胞中與先天腎間動之真氣並行而充身者也由此觀之三脈同出一源無疑矣故王冰內經註甲乙經鍼灸圖經以任脈循背者謂之督脈自少腹上謂之任脈亦謂之督脈則是以背腹陰陽別為名目耳然衝脈亦起於胞中並足少陰而上行是任脈督脈衝脈乃一源而三

岐者故人身之有腹背猶天地之有子午任督之
有前後猶二陸之分陰陽也胞中者謂男女丹田
之通稱也在女子謂之女子胞在男子即精室也

欽定四庫全書

卷八十四

帶脈循行圖



帶脈循行經文

靈樞經脈別篇曰足少陰上至臍中別走太陽而合上至腎當十四椎出屬帶脈

二十八難曰帶脈者起於季脇迴身一周

帶脈循行歌

帶脈足少陰經脈上臍別走太陽經合腎十四椎屬帶起於季脇繞身行

註


帶脈本由足少陰經之脈上至臍中別走太陽而

合腎當十四推出屬帶脈故起於季脇繞身一周
行也

欽定四庫全書

卷八十四

帶 脉 穴 圖



帶脉穴歌

帶起少陽帶脉穴繞行五樞維道間京門之下居膠上
周廻季脇束帶然

註

足少陰之正脉出於然谷循內踝後其別者入跟
中上腠內至臍中別走而合太陽上至腎之氣穴
穴當十四椎內與足少陰衝脉會外與足少陽帶
脉合會而不與衝脉偕行出於季脇屬少陽帶脉
穴也故難經曰帶脉者起於季脇也廻身一周者

謂起於足少陽帶脈穴循行五樞穴維道穴不行
居髀穴迴行如帶故曰帶脈也

帶脈分寸歌

帶脈部分足少陽季脇寸八是其鄉由帶三寸五樞穴
過章五三維道當


註

帶脈部分在足少陽經季脇之下一寸八分即帶
脈穴也從帶脈穴下三寸即五樞穴也從五樞下
行過肝經之章門穴下五寸三分即維道穴也

欽定四庫全書

卷八十四

陽 蹻 脈 循 行 圖



陽蹻陰蹻循行經文

靈樞經度篇曰蹻蹻者少陰之別起於然谷之後上內踝之上直上循陰股入陰上循胸裏入缺盆上出人迎之前入頰屬目內眥合於太陽陽蹻而上行氣並相還則為濡目目氣不榮則目不合


二十八難曰陽蹻蹻者起於跟中循外踝上行入風池陰蹻蹻者亦起於跟中循內踝上行至咽喉交貫衝蹻陽蹻蹻循行歌

陽蹻脈起於跟中上合三陽外踝行從脇循肩入頸頰
屬目內眥太陽經

註

陽蹻之脈起於足跟之中上合三陽外踝上行從
脇少陽居髀之穴上循肩入頸頰陽明之肩髃承
泣等穴屬目內眥而會太陽也

陽蹻穴圖



陽蹻胝穴歌

陽蹻胝起申僕陽居髆肩髑巨骨鄉臑俞地倉巨髆泣
終於睛明一穴強

陽蹻胝分寸歌


陽蹻胝起足太陽申胝外踝五分藏僕參後繞跟骨下
附陽外踝三寸鄉居髆監骨上陷取肩髑一穴肩尖當
肩上行名巨骨肩胛之上臑俞坊口吻旁四地倉位
鼻旁八分巨髆疆目下七分是承泣目內眥出睛明昂

註

蹻者足也奇經涉於足者之名也曰陽者以其所
行陽經也陽蹻者謂足太陽經之別脈也起於足
太陽膀胱經足外踝下五分陷中申脈穴也從申
脈繞後跟骨下僕參穴也從僕參穴又前斜足外
踝上三寸附陽穴也又與足少陽會於季脇軛骨
端下八寸三分居髀穴也又與手陽明會於膊骨
頭肩端上肩髃穴也從肩髃穴上行肩尖上兩又
骨巨骨穴也又與手足太陽陽維會於肩後大骨

下胛上廉臑俞穴也又與手足陽明會於夾口吻
旁四分地倉穴也從地倉穴行於鼻孔旁八分巨
髃穴也又與任脈足陽明會於目下七分承泣穴
也又與手足太陽足陽明陰蹻會於目內眥外一
分睛明穴也

陰 蹻 脈 循 行 圖



陰蹻脈循行歌

陰蹻亦起於跟中少陰之別內踝行上循陰股入胸腹
上至咽喉至睛明

註

陰蹻之脈亦起於跟中由少陰別脈然谷之穴上
行內踝循陰股入胸腹上至咽喉睛明穴亦會於
太陽也

陰 蹻 穴 圖



陰蹻脈穴歌

陰蹻起於然谷穴上行照海交信列三穴原本足少陰
足之太陽精明接

陰蹻脈分寸歌


陰蹻脈起足少陰足內踝前然谷尋踝下一寸照海陷
踝上二寸交信真目內眥外宛中取精明一穴甚分明

註

陰蹻者以其所行陰經為足少陰之別脈也起於
足少陰腎經足內踝前大骨下陷中然谷穴也從

然谷穴循內踝之下一寸照海穴也從照海穴不
循太谿穴又却於足內踝之上二寸直行交信穴
從交信穴上循陰股入陰而行上循胸裏入缺盆
上出人迎之前入頰鼻旁屬目內眥外宛宛中睛
明穴合於太陽陽蹻上行氣並相還則為濡目之
用矣故知陰蹻氣若不與陽蹻氣並榮於目
則目不能合也此陰蹻循行之經脈也

陽維脈循行圖



陽維陰維脈循行經文

二十八難曰陽維陰維者維絡於身溢畜不能環流灌
溢諸經者也故陽維起於諸陽之會陰維起於諸陰交
也


陽維脈循行歌

陽維脈起足太陽外踝之下金門疆從臑背肩項面頭
維絡諸陽會督場

註
陽維之脈起於足太陽經外踝之下金門穴也從

肝骨背外肩胛項旁面上頭後至瘕門穴維絡諸
陽會於督脈也

陽維脈穴圖



陽維脈穴歌

陽維脈起穴金門
臑俞天髎肩井深
本神陽白並臨泣
正營腦空風池巡
風府瘕門此二穴
項後入髮是其根
陽維脈分寸歌

陽維脈起足太陽
外踝一寸金門藏
踝上七寸陽交位
肩後臑上臑俞當
天髎穴在缺盆上
肩上陷中肩井鄉
本神入髮四分許
眉上一寸陽白詳
入髮五分臨泣穴
上行一寸正營場
枕骨之下腦空位
風池耳後陷中藏


項後入髮庭門穴入髮一寸風府疆

註

陽維起於諸陽之會者謂起於足太陽膀胱經之
足外踝下一寸金門穴也從金門穴行於足少陽
膽經之足外踝上七寸陽交穴也又與手足太陽
及躄脈會於肩後大骨下胛上廉臑俞穴也又與
手足少陽會於缺盆中上髃骨際天髃穴也又會
於肩上陷中肩井穴也從肩井穴上頭與足少陽
會於眉上一寸陽白穴也從陽白穴上行於目上

直入髮際本神臨泣穴也從臨泣穴上行二寸正營穴也從正營穴循行枕骨下腦空穴也從腦空穴下行至耳後大筋外廉風池穴也又與督脈會於項後風府瘕門穴此陽維脈氣所發也

陰維脈循行圖




陰維脈循行歌

陰維脈起足少陰內踝上行穴築賓循腹至乳上結喉
維絡諸陰會於任

註

陰維之脈起於足少陰經內踝上行築賓之穴循
腹至乳上結喉至廉泉穴維絡諸陰會於任脈也

陰維脈穴圖



陰維脈穴歌

陰維之穴起築賓府舍大橫腹哀循期門天突廉舌本
此是陰維脈維陰


陰維脈分寸歌

陰維脈起足少陰內踝之後尋築賓少腹之下稱府舍
大橫平臍是穴名此穴去中三寸半行至乳下腹哀明
期門直乳二肋縫天突結喉下一寸

註

陰維起於諸陰之交者謂起於足少陰腎經之足

內踝後上腠分中名曰築賓穴也與足太陰交於
少腹下去腹中行三寸半府舍穴也又平臍去中
行三寸半大橫穴也又行至乳下二肋端縫之下
二寸腹哀穴也又與足厥陰交於乳下二肋端縫
期門穴也又與任脈交於結喉下一寸宛宛中天
突穴也從天突穴上行在頷下結喉上中央舌本
下廉泉穴此陰維脈氣所發也



御纂醫宗金鑑卷八十四

欽定四庫全書

子部

御纂醫宗金鑑卷八十五

詳校官太醫院恩種

臣孔毓秀

編修

臣倉聖脉覆勘

總校官中書

臣朱

鈐

校對官主事

臣張

培

謄錄監生

臣張

永浙

繪圖監生

臣戴禹汲

欽定四庫全書

御纂醫宗金鑑卷八十五

編輯刺灸心法要訣目錄

前面要穴圖

後頭要穴圖

頭部主病鍼灸要穴歌

胸腹部要穴圖

胸腹部主病鍼灸要穴歌

背部要穴圖

背部主病鍼灸要穴歌

仰手要穴圖

覆手要穴圖

手部主病鍼灸要穴歌

陰足要穴圖

陽足要穴圖

足部主病鍼灸要穴歌


御纂醫宗金鑑卷八十五目錄

欽定四庫全書


御纂醫宗金鑑卷八十五

編輯刺灸心法要訣

前面要穴圖



後頭要穴圖



頭部主病鍼灸要穴歌

百會主治卒中風兼治癲癇兒病驚大腸下氣脫肛病
提補諸陽氣上升

註

百會穴提補陽氣上升主治大人中風痰火癲癇
小兒急慢驚風大腸下氣脫肛等證鍼二分灸五
壯

神庭主灸羊癇風目眩頭痛灸腦空翳風專刺耳聾病
兼刺療癰項下生

註

神庭穴主治風癇羊癲灸三壯禁鍼刺○腦空穴
主治偏正頭疼目眩刺四分灸五壯○翳風穴主
治耳聾及癰癰鍼經云先將銅錢約二十文令患
者咬之尋取穴中鍼三分禁灸

上星通天主鼻淵瘰肉痔塞灸能痊兼治頭風目諸疾
炷如小麥灼相安

註

上星通天二穴主治鼻淵鼻塞瘰肉鼻痔左鼻灸
右右鼻灸左左右鼻俱病者左右俱灸灸後鼻中

當去一塊形如朽骨狀其病自愈兼治頭風目疾等證也上星穴宜刺三分留六呼灸五壯一云宜三棱鍼出血以瀉諸陽之熱氣通天穴宜刺三分留七呼灸三壯其壯如小麥大始相宜也

痙門風府祇宜刺中風舌緩不能言頸項強急及瘈瘲頭風百病與傷寒

註

痙門風府二穴主治中風舌緩暴瘖不語傷風傷寒頭痛項急不得回顧及抽搐等病痙門穴鍼二

分不可深入禁灸風府穴鍼三分留三呼禁灸

頭維主刺頭風疼目痛如脫淚不明禁灸隨皮三分刺
兼刺攢竹更有功

註

頭維攢竹二穴主治頭風疼痛如破目痛如脫淚

出不明頭維穴隨皮鍼三分禁灸○攢竹穴刺一
分留六呼禁灸隨皮者鍼入即眠鍼隨皮刺去也

率谷酒傷吐痰眩風池主治肺中寒兼治偏正頭疼痛
頰車落頰風自痊

註

率谷穴主治傷酒嘔吐痰眩刺三分灸三壯風池
穴治肺受風寒及偏正頭風刺四分灸三壯七壯
炷宜小頰車穴治落頰風落頰風者下頰脫落也
刺三分灸三壯炷如小麥

臨泣主治鼻不通眇眦冷淚雲翳生驚癇反視卒暴厥
日晡發瘧脇下疼

註

臨泣穴主治鼻塞目眩生翳眇眦眼目諸疾及驚
癇反視卒暴疾厥瘧疾晚發等病刺三分留七呼

禁灸

水溝中風口不開中惡癰瘡口眼歪刺治風水頭面腫
灸治兒風急慢災

註

水溝穴主治中風口噤牙關不開卒中惡邪鬼擊
不省人事癰瘡卒倒口眼歪邪風水面腫及小兒
急慢驚風等病刺三分留六呼灸三壯至七壯炷
如小麥然灸不及鍼

承漿主治男七疝女子瘕聚兒紫脣偏風不遂刺之效

消渴牙疳灸功深

註

承漿穴主治男子諸疝女子瘕聚小兒撮口及偏風半身不遂口眼喎邪口禁不開消渴飲水不休口齒疳蝕生瘡等證刺二分留五呼灸三壯

迎香主刺鼻失臭兼刺面癢若蟲行先補後瀉三分刺此穴須知禁火攻

註

迎香穴主治鼻塞不聞香臭浮腫風動面癢狀如蟲行等證鍼三分禁灸

口眼歪邪灸地倉頰腫脣弛牙噤強失音不語目不閉
睜動視物目眈眈

註

地倉穴主偏風口眼歪邪牙關不開齒痛頰腫目
不能閉脣緩不收飲食難進失音不語眼目睜動
視物眈眈昏夜無見等證刺三分留五呼灸七壯
或二七壯重者七七壯俱可

聽會主治耳聾鳴兼刺迎香功最靈中風痰癡喎斜病
牙車脫臼齒根疼

註

聽會穴主治耳聾耳鳴牙車脫臼齒痛中風痰癰
喝邪等證鍼四分灸三壯兼瀉迎香功效如神迎
香穴鍼三分禁灸

聽宮主治耳聾耳鳴目昏矇迎風流淚皆癢痛
雀目攀睛白翳生

註


聽宮穴主治耳內蟬鳴耳聾刺三分灸三壯睛明
攢竹二穴主治目痛視不明迎風淚努肉攀睛白
翳皆癢雀目諸證睛明穴鍼分半留六呼禁灸

攢竹穴治證同前刺三分留六呼禁灸

胸腹要穴圖

仙集醫宗金鑑

七



胃腹部主病鍼灸要穴歌

臈中穴主灸肺癰欬嗽哮喘及氣癰巨闕九種心疼病
疾飲吐水息賁寧

註
臈中穴主治哮喘肺癰欬嗽氣癰等證灸七壯禁
鍼○巨闕穴主治九種心痛疾飲吐水腹痛息賁
等證鍼三分留七呼灸七壯

上脘奔豚與伏梁中脘主治脾胃傷兼治脾痛瘧疾暈
痞滿翻胃盡安康

註

上皖穴主治腎積奔豚心積伏梁之證鍼八分留
七呼灸五壯千金云每日灸二七壯至百壯孕婦
不可灸○中皖穴主治內傷脾胃心脾痛瘧疾痰
暈痞滿翻胃等證鍼八分灸七壯一云二七壯至
百壯孕婦不可灸

水分脹滿臍突鞭水道不利灸之良神闕百病老虛瀉
產脹洩難兒脫肛

註

水分穴主治鼓脹堅鞭肚臍突出小便不利灸五

壯禁鍼孕婦不可灸○神闕穴主治百病及老人
虛人泄瀉又治產後腹脹小便不通小兒脫肛等
證灸三壯禁鍼一法納炒乾淨鹽填滿臍上加厚
薑一片蓋定上加艾炷灸百壯或以川椒代鹽亦
妙

氣海主治臍下氣關元諸虛瀉濁遺中極下元虛寒病
一切痼冷總皆宜

註
氣海穴主治一切氣疾陰證痼冷及風寒暑濕水

腫心腹鼓脹諸虛癥瘕等證鍼八分灸五壯○關
元穴主治諸虛腎積及虛老人泄瀉遺精白濁等
證鍼八分留七呼灸七壯千金云婦人鍼之則無
子○中極穴主治下元寒冷虛損及婦人月事不
調赤白帶下鍼八分留十呼灸三壯孕婦不可灸
膺腫乳癰灸乳根小兒龜胸灸亦同嘔吐吞酸灸日月
大赫專治病遺精

註
乳根穴主治胸前腫乳癰小兒龜胸等證鍼三分

灸三壯○日月穴主治嘔吐吞酸鍼七分灸五壯

○大赫穴主治遺精鍼三分灸五壯

天樞主灸脾胃傷脾瀉痢疾甚相當兼灸鼓脹癥瘕病
艾火多加病必康

註

天樞穴主治內傷脾胃赤白痢疾脾瀉及臍腹鼓
脹癥瘕等證鍼五分留七呼灸五壯千金云魂魄
之舍不可鍼孕婦不可灸

章門主治痞塊病但灸左邊可拔根若灸腎積臍下氣

兩邊齊灸自然平

註

章門穴主治痞塊多灸左邊腎積灸兩邊鍼六分
留六呼灸三壯一云百壯

期門主治奔豚病上氣欬逆胸背疼兼治傷寒脇鞭痛
熱入血室刺有功

註


期門穴主治奔豚上氣欬逆胸滿胸背徹痛胸痛
腹鞭及傷寒熱入血室鍼四分灸五壯

帶脉主灸一切疝偏墜木腎盡成功兼灸婦人濁帶下

丹田溫煖自然停

註帶脈穴主治疝氣偏墜木腎及婦人赤白帶下等
證鍼六分灸五壯

背 部 要 穴 圖



背部主病鍼灸要穴歌

腰俞主治腰脊痛冷痺強急動作難腰下至足不仁冷
婦人經病溺赤痊

註

腰俞穴主治腰脊重痛舉動不得俯仰艱難腰以
下至足冷痺不仁及婦人經閉溺血等證刺二分
留七呼灸五壯

至陽崑灸黃疸病兼灸痞滿喘促聲命門老虛腰痛證
更治脫肛痔腸風

註

至陽穴主治身面俱黃胸脇支滿喘促不寧鍼五分灸三壯○命門穴主治老人腎虛腰疼及久痔脫肛腸風下血等證鍼五分灸三壯若年二十以上者不宜灸灸恐絕子

膏盲一穴灸勞傷百損諸虛無不良此穴禁鍼惟宜艾千金百壯效非常

註

膏盲穴主治諸虛百損五勞七傷身形羸瘦夢遺失精上氣欬逆痰火發狂健忘怔忡胎前產後勞

療傳尸等證灸七七壯至百壯

大杼主刺身發熱兼刺瘧疾欬嗽痰神道惟灸背上病
怯怯短氣艾火漆

註

大杼穴主治遍身發熱瘧疾欬嗽多痰鍼五分禁

灸○神道穴主治背上冷痛怯怯短氣灸七壯禁
鍼

風門主治易感風風寒痰嗽吐血紅兼治一切鼻中病
艾火多加嗅自通

註
風門穴主治腠理不密易感風寒欬嗽吐痰咯血
鼻衄及一切鼻中諸病鍼三分灸五壯

肺俞內傷嗽吐紅兼灸肺痿與肺癰小兒龜背亦堪灸
肺氣舒通背自平

註
肺俞穴主治內傷外感欬嗽吐血肺痿肺癰小兒
龜背鍼三分留七呼灸三壯

膈俞主治胸脇痛兼灸痰癰瘰癧攻更治一切失血證
多加艾灼總收功

註 膈俞穴主治胸脇疼痛痰癰瘰癧一切血痰灸三壯禁鍼

肝俞主灸積聚痛兼灸氣短語聲輕更同命門一併灸能使瞽目復重明

註 肝俞穴主治左脇積聚疼痛氣短不語若同命門穴一併灸之即兩目昏暗者可使復明肝俞穴灸七壯禁鍼命門穴鍼五分灸三壯

膽俞主灸脇滿嘔驚悸臥睡不能安兼灸酒疸目黃色

面發赤斑灸自痊

註

膽俞穴主治兩脇脹滿乾嘔驚悸睡臥不安及酒疸目睛發黃面發赤斑等證灸三壯禁鍼

脾俞主灸傷脾胃吐瀉瘧痢疸癥喘急吐血諸般證更治嬰兒慢脾風

註

脾俞穴主治內傷脾胃吐瀉瘧痢黃疸食積癥瘕吐血喘急及小兒慢脾風證灸五壯禁鍼

三焦俞治脹滿疼積塊堅硬痛不寧更治赤白休息痢

刺灸此穴自然輕

註

三焦俞穴主治脹滿積塊堅硬疼痛及赤白痢疾
不止等證鍼二分灸五壯

胃俞主治黃疸病食畢頭目即暈眩瘧疾善饑不能食
艾火多加自可痊

註

胃俞穴主治黃疸食畢頭眩瘧疾善饑不能食等
證鍼三分灸三壯

腎俞主灸下元虛令人有子效多奇兼灸吐血聾腰痛

女疸婦帶不能遺

註 腎俞穴主治下元諸虛精冷無子及耳聾吐血腰

痛女勞疸婦人赤白帶下等證灸三壯禁鍼

大腸俞治腰脊疼大小便難此可通兼治泄瀉痢疾病
先補後瀉要分明

註 大腸俞穴主治腰脊疼痛大小便不通及泄瀉痢

疾等證鍼三分灸三壯

膀胱俞治小便難少腹脹痛不能安更治腰脊強直痛

艾火多添疾自痊

註

膀胱俞穴主治小便不通少腹脹痛及腰脊強直疼痛等證鍼三分灸七壯

諱謔主治久瘧病五藏瘧灸藏俞平意舍主治脇滿痛兼療嘔吐立時寧

註


諱謔俞穴主治久瘧若五藏瘧灸五藏俞五藏俞者心肝脾肺腎俞也俱鍼六分灸二七壯○意舍穴主治兩脇脹滿疼痛嘔吐鍼五分灸三壯

身柱主治羊癇風欬嗽痰喘腰背疼長強惟治諸般痔
百勞穴灸汗津津


註

身柱穴主治風癇發狂欬嗽痰喘腰背疼痛等證
鍼五分灸七七壯○長強穴主治諸般痔漏疼痛
鍼三分灸三十壯○百勞穴主治滿身發熱虛汗
盜汗津津不止鍼五分留三呼瀉五吸灸以年為
壯

仰手要穴圖



覆手要穴圖



手部主病鍼灸要穴歌

尺澤主刺肺諸疾絞腸痧痛鎖喉風傷寒熱病汗不解
兼刺小兒急慢風

註

尺澤穴主治欬唾膿血喉痺肺積息賁及絞腸痧
痛傷寒汗不出小兒急慢驚風等證刺三分或三
稜鍼出血禁灸

列缺主治嗽寒痰偏正頭疼治自痊男子五淋陰中痛
尿血精出灸便安

註
列缺穴主治欬嗽寒痰偏正頭疼及男子淋漓陰
中疼痛尿血精出等證鍼二分灸七壯炷如小麥
經渠主刺瘡寒熱胸背拘急脹滿堅喉痺欬逆氣數欠
嘔吐心疼亦可痊

註
經渠穴主治痰瘡寒熱胸背拘急膨脹喉痺欬逆
上氣數欠嘔吐心疼等證鍼二分禁灸

太淵主刺牙齒病腕肘無力或痛疼兼刺欬嗽風痰疾
偏正頭疼效若神

註

太淵穴主治牙齒疼痛手腕無力疼痛及欬嗽風

痰偏正頭疼等證鍼二分灸三壯

魚際主灸牙齒痛在左灸左右同然更刺傷寒汗不出
兼治瘧疾方欲寒

註

魚際穴主治牙齒痛瘧疾初起先覺發寒傷寒汗
不出等證鍼二分惟牙痛可灸餘證禁灸

少衝主治心膽虛怔忡癲狂不可遺少商惟鍼雙鵝痺
血出喉開功最奇

註

少衝穴主治心虛膽寒怔忡癲狂鍼一分灸三壯

○少商穴主治雙驚風喉痺以三稜鍼刺微出血

禁灸

少海主刺腋下瘰漏臂痺痛羊癰風靈道主治心疼痛
瘰癧暴瘡不出聲

註

少海穴主治腋下瘰癧漏臂與風吹肘臂疼痛也

及癲癰羊鳴等證鍼五分禁灸○靈道穴主治心

痛羊癰瘰癧肘攣暴瘡不能言等證鍼三分灸三

壯

通里主治溫熱病無汗懊懷心悸驚喉痺苦嘔暴瘡症
婦人經漏過多崩

註

通里穴主治溫病面熱無汗懊懷心悸驚恐喉痺
苦嘔暴瘡聲啞及婦人經血過多崩漏等證鍼三
分灸三壯

神門主治悸怔忡呆癡中惡恍惚驚兼治小兒驚癇證
金鍼補瀉疾安寧

註

神門穴主治驚悸怔忡呆痴卒中鬼邪恍惚振驚
及小兒驚癇等證鍼三分留七呼灸三壯炷如小
麥

少府主治久痰瘧肘腋拘急痛引胸兼治婦人挺痛癢
男子遺尿偏墜疼

註

少府穴主治痰瘧久不愈臂痠肘腋攣急胃中痛
及婦人陰挺陰癢陰痛男子遺尿偏墜等證鍼二
分灸三壯

曲澤主治心痛驚身熱煩渴肘掣疼兼治傷寒嘔吐逆
鍼灸同施立刻寧

註

曲澤穴主治心痛善驚身熱煩渴臂肘搖動掣痛
不能伸傷寒嘔吐氣逆等證鍼三分留七呼灸三
壯

間使主治脾寒證九種心疼瘧渴生兼治癰癰生項下
左右鍼灸自然平

註

間使穴主治脾寒證九種心痛脾疼瘧疾口渴及

瘰癧久不愈患左灸右患右灸左鍼六分留七呼
灸五壯

內關主刺氣塊攻兼灸心胸脇痛疼勞熱瘧疾審補瀉
金鍼抽動立時寧

註

內關穴主治氣塊上攻心胸脇助疼痛勞熱瘧疾
等證鍼五分灸五壯

痰火胸疼刺勞宮小兒口瘡鍼自輕兼刺鵝掌風證候
先補後瀉效分明

註 勞宮穴主治痰火胸痛小兒口瘡及鵝掌風等證

鍼二分禁灸

商陽主刺卒中風暴仆昏沉痰塞壅少商中衝關衝少
少澤三稜立回生

註

中衝穴乾坤生意云此為十井穴凡初中風跌倒
卒暴昏沉痰盛不省人事牙關緊閉藥水不下急
以三稜鍼刺中衝少商商陽關衝少衝少澤使血
氣流通實起死回生急救之妙法也

三里三間並二間主治牙疼食物難兼治偏風眼目疾
鍼灸三穴莫教偏

註

三里三間二間三穴主治牙齒疼痛食物艱難及
偏風眼目諸疾三穴併鍼灸之○三里穴鍼二分
灸三壯○二間穴鍼三分灸三壯○三間穴鍼三
分灸三壯

合谷主治破傷風痺痛筋急鍼止疼兼治頭上諸般病
水腫產難小兒驚

註

合谷穴主治破傷風風痺筋骨疼痛諸般頭痛水腫產難及小兒急驚風等證鍼三分留六呼灸三壯

陽谿主治諸熱證癰疹痂疥亦當鍼頭痛牙痛咽喉痛狂妄驚中見鬼神

註

陽谿穴主治熱病煩心癰疹痂疥厥逆頭痛牙疼咽喉腫痛及狂妄驚恐見鬼等證鍼三分留七呼灸三壯

曲池主治是中風手攣筋急痛痺風兼治一切瘡疾病
先寒後熱自然平

註

曲池穴主治中風手攣筋急痺風瘡疾先寒後熱
等證鍼五分灸七壯

肩井一穴治仆傷肘臂不舉淺刺良肩髃主治癱瘓疾
手攣肩腫效非常

註

肩井穴主治仆傷肘臂疼痛不舉鍼五分灸五壯
孕婦禁鍼○肩髃穴主治癱瘓手攣肩腫鍼六分

灸五壯

少澤主治衄不止兼治婦人乳腫疼大陵一穴何專主
嘔血瘧疾有奇功

註

少澤穴主治鼻衄不止婦人乳腫鍼一分灸三壯

○大陵穴主治嘔血瘧疾鍼六分灸三壯

前谷主治癰瘤疾頸項肩臂痛難堪更能兼治產無乳
小海喉齦腫痛痊

註

前谷穴主治癰瘤頸項頰腫引耳疼痛及婦人產

後無乳等證鍼一分留三呼灸三壯○小海穴主
治咽喉牙齦腫痛等證鍼二分灸五壯

腕骨主治臂腕疼五指諸疾治可平後谿能治諸瘧疾
能令癰癩漸漸輕

註腕骨穴主治臂腕五指疼痛鍼二分灸三壯○後
谿穴主治瘧疾癰癩鍼一分灸一壯

陽谷主治頭面病手膊諸疾有多般兼治痔漏陰痿疾
先鍼後灸自然痊

註

陽谷穴主治頭面項腫手膊疼痛不舉及痔漏陰

痿等證鍼二分灸三壯

支正穴治七情鬱肘臂十指盡皆攣兼治消渴飲不止
補瀉分明自可安

註

支正穴主治七情鬱結不舒肘臂十指筋攣疼痛
及消渴飲水不止等證鍼三分灸三壯

液門主治喉齰腫手臂紅腫出血靈又治耳聾難得睡
刺入三分補自寧

註

液門穴主治咽喉外腫牙齦痛手臂紅腫耳暴聾
不得眠等證鍼三分留二呼灸三壯

中渚主治肢木麻戰振蹠攣力不加肘臂連肩紅腫痛
手背癰毒治不發

註

中渚穴主治四肢麻木戰振蹠攣無力肘臂連肩
紅腫疼痛手背癰毒等證鍼二分灸三壯

陽池主治消渴病口乾煩悶瘧熱寒兼治折傷手腕痛
持物不得舉臂難

註 陽池穴主治消渴口乾煩悶寒熱瘧或因折傷手

腕持物不得臂不能舉等證鍼二分禁灸

外關主治藏府熱肘臂脇肋五指疼癢癰結核連胸頸
吐衄不止血妄行

註

外關穴主治五藏六府結熱鼻衄吐血不止及肘
臂脇肘手指節痛癢癰結核連頸連胸腫痛不消
等證鍼三分留七呼灸三壯

支溝中惡卒心痛大便不通脇肋疼能寫三焦相火盛

兼治血脫暈迷生

註

支溝穴主治鬼擊卒心痛凡三焦相火熾盛及大便不通脇肋疼痛婦人產後血暈不省人事等證
鍼二分留七呼灸七壯

天井主寫瘰癧疹角孫惟主目翳生耳門耳聾耳病
絲竹空穴治頭風

註

天井穴主治瘰癧癰疹鍼三分灸五壯○角孫穴
主治目中生翳鍼三分灸三壯○耳門穴主治耳

聾聵耳膿汁鍼三分留三呼禁灸○絲竹空穴主
治頭痛目赤目眩視物眴眴鍼三分留三呼禁灸


欽定四庫全書

御纂醫宗金鑑


陰足要穴圖

金匱要略卷之八十五

卷八十五



陽足要穴圖



足部主病鍼灸要穴歌

隱白主治心脾痛築賓能醫氣疝疼照海穴治夜發瘧
兼療消渴便不通

註

隱白穴主治心脾疼痛鍼一分灸三壯○築賓穴
主治氣疝鍼三分灸五壯○照海穴主治夜發瘧
證及消渴大便閉鍼三分灸三壯

大都主治溫熱病傷寒厥逆嘔悶煩胎產百日内禁灸
千金主灸大便難

註

大都穴主治溫熱病汗不出傷寒手足逆冷腹滿嘔吐悶亂及大便難等證鍼三分留七呼灸三壯凡婦人懷孕及生產後未滿百日俱不宜灸

太白主治痔漏疾一切腹痛大便難痞疸寒瘡商邱主兼治嘔吐瀉痢瘡

註

太白穴主治痔漏腹中疼痛大便不通等證鍼三分留七呼灸三壯○商邱穴主治痞氣黃疸寒瘡及嘔吐瀉痢等證鍼三分留七呼灸三壯

公孫主治痰壅膈腸風下血積塊疴兼治婦人氣蠱病
先補後瀉自然瘥

註 公孫穴主治痰壅胸膈腸風下血積塊及婦人氣
蠱等證鍼四分灸三壯

三陰交治痞滿堅痞冷疝氣脚氣纏兼治不孕及難產
遺精帶下淋瀝痊

註 三陰交穴主治痞滿痞冷疝氣遺精及婦人脚氣
月信不調久不成孕難產赤白帶下淋瀝等證鍼

三分灸三壯

血海主治諸血疾兼治諸瘡病自輕陰陵泉治脇腹滿
刺中下部盡皆鬆

註

血海穴主治女子崩中漏下月信不調帶下及男

子腎藏風兩腿瘡癢濕痛等證鍼五分灸五壯○

陰陵泉穴主治脇腹脹滿陰痛足膝紅腫小便不

通小便失禁不覺下部等證鍼五分留七呼灸三

壯

湧泉主刺足心熱兼刺奔豚疝氣疼血淋氣痛疼難忍
金鍼瀉動自安寧

註
湧泉穴主治足發熱奔豚疝氣疼痛血淋氣痛等
證鍼三分留三呼灸三壯

然谷主治喉痺風欬血足心熱遺精疝氣溫瘧多渴熱
兼治初生兒臍風

註
然谷穴主治喉痺唾血遺精溫瘧疝氣足心熱及
小兒撮口臍風鍼三分留三呼灸三壯凡鍼不宜

見血

太谿主治消渴病兼治房勞不稱情婦人水蠱胸脇滿
金鍼刺後自安寧

註太谿穴主治消渴房勞不稱心意及婦人水蠱胸
脇脹滿等證鍼三分留七呼灸三壯

陰谷舌縱口流涎腹脹煩滿小便難疝痛陰痿及痺病
婦人漏下亦能痊

註陰谷穴主治舌縱涎下腹脹煩滿溺難小腹疝急

引陰陰股內廉痛為痿痺及女人漏下不止鍼四分留七呼灸三壯

復溜血淋宜乎灸氣滯腰疼貴在鍼傷寒無汗六脈沉匿六脈沉伏即可伸

註復溜穴主治血淋氣滯腰痛傷寒無汗六脈沉匿者鍼三分留三呼灸五壯

大敦治疝陰囊腫兼治腦衄破傷風小兒急慢驚風病炷如小麥灸之靈

註

大敦穴主治諸疝陰囊腫腦衄破傷風及小兒急慢驚風等證鍼二分留十呼灸三壯

行間穴治兒驚風更刺婦人血蠱癥渾身腫脹單腹脹先補後瀉自然平

註

行間穴主治小兒急慢驚風及婦人血蠱癥瘕渾身腫單腹脹等證鍼三分留十呼灸三壯

太衝主治腫脹滿行動艱辛步履難兼治霍亂吐瀉證手足轉筋灸可痊

註

太衝穴主治腫滿行步艱難及霍亂吐瀉手足轉筋等證鍼三分留十呼灸三壯

中封主治遺精病陰縮五淋洩便難鼓脹癭氣隨年灸三里合灸步履艱

註

中封穴主治夢泄遺精陰縮五淋不得尿鼓脹癭氣此穴合足三里併灸治行步艱辛○中封穴鍼四分留七呼灸三壯○足三里穴鍼五分留七呼灸三壯

曲泉癰疽陰股痛足膝脛冷久失精兼治女子陰挺癢
少腹冷痛血瘀癥

註

曲泉穴主治癰疽陰股痛男子失精膝脛冷痛及
女子陰挺出少腹疼痛陰癢血瘀等證鍼六分留
七呼灸三壯

伏兔主刺腿膝冷兼刺脚氣痛痺風若逢穴處生瘡癰
說與醫人莫用功

註

伏兔穴主治腿膝寒冷脚氣痛痺鍼五分禁灸凡

此穴處生瘡癰者危

陰市主刺痿不仁腰膝寒如注水侵兼刺兩足拘攣痺寒疝少腹痛難禁

註

陰市穴主治痿痺不仁不得屈伸腰膝寒如注水兩足拘攣痺痛寒疝少腹疼痛等證鍼三分留七呼禁灸

足三里治風濕中諸虛耳聾上牙疼噎膈鼓脹水腫喘寒濕脚氣及痺風

註

足三里穴治中風中濕諸虛耳聾上牙疼水腫心
腹鼓脹噎膈哮喘寒濕腳氣上中下三部痺痛等
證鍼五分留七呼灸三壯此穴三十外方可灸不
爾反生疾

解谿主治風水氣面腹足腫喘嗽頻氣逆發噎頭風眩
悲泣癲狂悖與驚

註

解谿穴主治風氣面浮腹脹足腫喘滿欬嗽氣逆
發噎頭痛目眩悲泣癲狂驚悸怔忡等證鍼五分

留五呼灸三壯

陷谷主治水氣腫善噫痛疝腹腸鳴無汗振寒痰瘧病
胃脈得弦寫此平

註

陷谷主治面目浮腫及水病善噫疝氣少腹痛腸
鳴腹痛瘧疾振寒無汗等證或胃脈得弦皆宜鍼
五分留七呼灸三壯

內庭主治痞滿堅左右繆灸腹響寬兼刺婦人食蠱脹
行經頭暈腹疼安

註

內庭穴主治痞滿堅鞭鍼三分留十呼灸三壯患
右灸左患左灸右但覺腹響是其效驗兼治婦人
食蠱行經頭暈少腹痛等證

厲兌主治尸厥證驚狂面腫喉痺風兼治足寒膝臃腫
相偕隱白夢魘靈

註

厲兌穴主治尸厥口噤氣絕狀如中惡面腫喉痺
驚狂好卧足寒膝臃腫痛等證鍼一分留一呼灸
一壯此穴合隱白穴同鍼治夢魘不寧鍼一分灸

三壯

飛陽主治步艱難金門能療病癰癩足腿紅腫崑崙主
兼治齒痛亦能安

註

飛陽穴主治步履艱難鍼三分灸三壯○金門穴
主治癲狂羊癇風鍼一分灸三壯○崑崙穴主治
足腿紅腫牙齒疼痛鍼三分灸三壯

晝發瘰癧治若何金鍼申脈起沉疴上牙疼兮下足腫
亦鍼此穴自平和

註

申脉穴主治晝發瘧證足腫牙疼鍼三分留七呼
灸三壯灸不及鍼

環跳主治中風濕股膝筋攣腰痛疼委中刺血腎前證
開通經絡最相應

註

環跳穴主治腰胯股膝中受風寒濕氣筋攣疼痛
鍼一寸留十呼灸三壯○委中穴治證同環跳穴
但此穴禁灸鍼五分

陽陵泉治痺偏風兼治霍亂轉筋疼承山主鍼諸痔漏

亦治寒冷轉筋靈

註

陽陵泉穴主治冷痺偏風霍亂轉筋鍼六分灸三壯○承山穴主治痔漏疼痛寒冷轉筋鍼七分灸五壯灸不及鍼

陽輔主治膝痠痛腰間溶溶似水浸膚腫筋攣諸痿痺偏風不遂灸功深

註

陽輔穴主治膝脗痠疼腰間寒冷膚腫筋攣百節痠疼痿痺偏風不遂等證鍼三分留七呼灸三壯

風市主治腿中風兩膝無力脚氣衝兼治渾身麻搔癢
艾火燒鍼皆就功

註 風市穴主治腿中風濕疼痛無力脚氣渾身搔癢
麻痺等證鍼五分灸五壯

懸鍾主治胃熱病腹脹肋痛脚氣疼兼治脚脛濕痺癢
足指疼痛鍼可停

註 懸鍾穴主治胃熱腹脹脇痛脚氣脚脛濕痺渾身
搔癢趾疼等證鍼六分灸五壯

邱墟主治胸脇痛牽引腰腿髀樞中小腹外腎脚腕痛
轉筋足脛不能行

註
邱墟穴主治胸脇滿痛不得息牽引腰腿髀樞中
疼痛少腹外腎痛脚腕轉筋痛足脛難行等證鍼
五分灸三壯

頸漏腹下馬刀瘡連及胸脇乳癰瘍婦人月經不利病
下臨泣穴主治良

註
臨泣穴主治頸漏腋下馬刀連及胸脇婦人乳癰

月信不調等證鍼二分灸三壯

俠谿主治胸脇滿傷寒熱病汗難出兼治目赤耳聾痛
頷腫口噤疾堪除

註
俠谿穴主治胸脇支滿傷寒熱病汗不出目赤耳
聾胸痛頷腫口噤等證鍼三分灸三壯

竅陰主治脇間痛欬不得息熱躁煩癰疽頭痛耳聾病
喉痺舌強不能言

註
竅陰穴主治脇痛欬逆不得息發熱躁煩癰疽口

乾頭痛喉痺舌強耳聾等證鍼一分灸三壯



御纂醫宗金鑑卷八十五